

I. DISPOSICIÓN XERAIS

XEFATURA DO ESTADO

4046 *Lei orgánica 3/2010, do 10 de marzo, de modificación da Lei orgánica 6/1985, do 1 de xullo, do poder xudicial, e complementaria da Lei para a execución na Unión Europea de resolucións xudiciais de comiso pola comisión de infraccións penais.*

JUAN CARLOS I

REI DE ESPAÑA

Saiban todos os que a viren e a entenderen que as Cortes Xerais aprobaron e eu sanciono a seguinte lei orgánica.

PREÁMBULO

A Lei 4/2010, para a execución na Unión Europea de resolucións xudiciais de comiso, establece, no artigo 4, a competencia dos xuíces do penal para a adopción das medidas previstas na dita lei cando España sexa Estado de execución das resolucións obxecto de tal regulación. Por este motivo, cómpre modificar a Lei orgánica 6/1985, do 1 de xullo, do poder xudicial, que enumera as competencias dos órganos xurisdicionais.

Continúase con isto a tendencia dos últimos anos de modificar a citada lei orgánica para recoller a nova atribución. Unha reforma que neste caso se leva a cabo mediante a incorporación dun novo punto 4 ao artigo 89 bis, para prever a nova competencia dos xulgados do penal en relación coa execución das resolucións de comiso ditadas por tribunais doutros Estados membros da Unión Europea para o seu cumprimento no noso país.

Artigo único. *Modificación da Lei orgánica 6/1985, do 1 de xullo, do poder xudicial.*

Engádeselle un novo punto 4 ao artigo 89 bis da Lei orgánica 6/1985, do 1 de xullo, do poder xudicial, coa seguinte redacción:

«4. Corresponde aos xulgados do penal o recoñecemento e execución das resolucións de comiso transmitidas polas autoridades competentes doutros Estados membros da Unión Europea, cando estas deban cumprirse en territorio español.»

Disposición derradeira única. *Entrada en vigor.*

Esta lei orgánica entrará en vigor o día seguinte ao da súa publicación no «Boletín Oficial del Estado».

Por tanto,
Mando a todos os españois, particulares e autoridades, que cumbran e fagan cumprir esta lei orgánica.

Madrid, 10 de marzo de 2010.

JUAN CARLOS R.

O presidente do Goberno,
JOSÉ LUIS RODRÍGUEZ ZAPATERO